

Katitiriyut Aputim Imautaanik Kuugaqnut Qurluqtunut talvani Qitiqmiuni Aviktuqhimayumi Nunattiamilu

Havaaghanut Naunaitkutit:

Hila uunnakpalliyumi, hilalukpalliaplunilu amirnaqtumik, aallannguqtaqtullu hikuliqviat-mahakviallu ihuilutaulaaqtut Ukiuqtaqtumi immakvianut. Taimaatut, aallannguqtaqtuq apitpakviat mahakviallu nunami mihingnaqhilaatquq immaqviat kuukkanut imaalu, kinguani, taryuqmut. Havaaghat hapkua aullaqtitauvaktut illiturtiarumaplugit qanuq aghuuqpagiaghait mihingnautit aallannguqtaqtumit aput mahagaangat talvunga kuukkat hanguviinut Qitiqmiuni Aviktuqhimayumi Nunattiamilu qauhittiarumaplugit imariktut hanguviit taryumut uqquhivalliyumi.

Hapkua havaaghat atuqpaktut taapkuninga **Aspect 4 (Imaliqiyit)** amihuuyut atuqpauhighait hikuinnauyumik munaqhiyut hivuliqtiaqhutik Dr. Alex Langlois-mik, Université de Sherbrooke ilihappaalliqvianit, taiyauvaktuq “**Hanayut qauyihautighamik hikuinnauyumik qauyihautighamik Qitiqmiuni aviktuqhimayumi Nunattiamilu atuqhutik qauyihavuinut qauyihautinik, aajikkutanngualuqhutik qauyihautighainik ungahiktumillu qauyihautinik**”, manighaqtitauplutik talvanngat Ukiuqtaqtumi Qauhimaqtuqat Kanatami (Polar Knowledge Canada).

Pingahuuyut inilluarumayait hapkuninga havaaghanit: (1) qauyiharumaplugit nunamiutat hunaqtivaluit haugaangamik aputimik upinngaghamilu mahagaangat: (2) atuqlugit qauhimaliqtait aput mahagaangat immautiviillu talvunga Qurluqtum Kuugaanut Imariktumullu Kuugaayungmut, angiyunullu kuukkanut harvaqtut talvani qauyihayunit aputimik; imaalu (3) aajikkutaliuqhimayut atuqlugit qauyihautighat aallannguqtaqtughat hivunighami aputimik imariktut hangupluni taryumiutanut.

Nunainnaqmi qauyihayut imaliqiyughat aullaqtitauniaqtuq ikayuqtiqarlutik nunallaaqmiunik qauyihayinillu havaqatigiingnik havaktut talvani Qurluqtum Kuugaanut Imariktumilu Kuugaayungmi. Aqaguani tamaat 1 week naattaraangat qauyihavangniat upinngaghami (aputimik hikuplu qaanganit) atuqlutik sikiitunik imaalu aularaaqtughamik ikluqpalliulaitut. Aputaiqqat hikuiqqallu kuugaq, imaqmik qauyihavangniat mikiyukkut qayakkut (ikayuqtiqarlutik nunallaaqmiunik) talvanngalluuniit hanianit harvaqtumit. Kuugaqmit qauyihagtaghat katitiqtayut ihuilutaunngittut taimaalu utiqtiriyaami ilitquhianut parnaiyautaittuq.

Aputimik qauyihaplutik taapkua Dr. Langlois havaqataitalu, imaqmik imiqtaqpangniat illitquqhiyuplutik taimaa aputim imautaa kuukkaplu aallatqiingniit qauyiharumaplugit talvanngat Qurluqtum Kuugaanut March-mit ukiaghalihaamut talvanngallu Imariktumik Kuugaayungmit hikuiyaliqqat (June-mit) talvunga hikutiliqtumut (October-mut). Qurluqtum Kuugaanik qauyihainuat havaqatigilugit taapkua Qurluqtum Anguniaqtit Naniriaqtuqtillu katimayit.

Illiturihimaliqtait hapkuninga qauyihagtainit takupkaqtitauniaqtut nunallaaqnut Qurluqtumut Iqaluktuuttiaqmullu, talvuuna nunallaaqni havaktiigut taapkua Qurluqtumi HTO-ngat, Iqaluktuuttiam HTO-ngat, CHARS-kullu. Ilihimaliqtait hapkuninga hikuinnauyumik munaqhiyunik qauyihayut naunaiqhiyauniaqut titirakut naunaitkutakkullu, ikayuutauniaqtuqlu nunallaaqmi munaqhiyunut hilaliqiyunik. **Aspect 4 (Imaliqiyit)** hikuinnauyumik munaqhiyut havaaghat unipkaaqtahimayut taapkuninga Qurluqtum HTO-ngat, titiraqhimayut tuniqhihimainnaqhutik havaaghanik hapkuninga.